

四庫全書

史部

欽定四庫全書

史部

浙江通志卷八十五

詳校官給事中臣戴璐

檢討臣德生覆勘

總校官編修臣倉聖脉

校對官中書臣袁文邵

謄錄監生臣李逢堯

欽定四庫全書

浙江通志卷八十四

鹽法

中

雍正四年九月浙江巡撫兼理兩浙鹽務臣李衛  
題為請專道員就近督緝以裕引課事查兩浙鹽  
政所轄浙江全省十一府屬并江南蘇松常鎮徽  
州五府廣德一州建平溧陽二縣以京口為江浙  
兩省分銷之界及江西廣信一府所屬七縣皆歷

來應銷浙引均聽臣鹽政衙門所統隸者地方廣  
濶其中有近場之處私販繁多惟蘇松等府屬及  
太倉州所轄之縣為甚禁緝雖嚴奈強橫未除蓋  
緣鹽政衙門駐劄杭城而鹽道暨嘉松分司亦居  
省會雖有管轄之名焉能遙制凡遇公事止以文  
檄申飭州縣陽奉陰違難收緝私實效況蘇松州  
縣等官既無本處上司就近稽察不免有蠹役通  
同徇縱之弊臣查康熙四十四年間定例道府失

察私販原有降職處分之條則就近該管道員應  
專督緝之責今蘇松二府業蒙

皇上復設巡道一員則弭盜除暴與巡緝私鹽事同一  
轍若不請

旨勅部議定專責不無推卸情故懇請專責蘇松巡道  
轉督該管府廳州縣官捕上緊巡拿私販如遇巨  
夥梟徒照依定例協同營員嚴督弁兵擒拏具報  
如有彼地鹽務大案即令該道就近承審嚴究夥

徒產竈定案詳結免得遠解浙省拖累日久並可  
督查失察各官勤惰倘或蠹吏兵捕玩法滋弊聽  
其懲處其常鎮二府亦責常鎮道就近照樣督緝  
以示勸懲之法至於徽廣二府所屬及各州縣遠  
離場竈沿途經過浙境盤鹽口岸甚多私販不能  
侵越且無道員兼轄毋庸陳請責成再浙江本省  
除寧台溫處二道所轄令其督緝外其餘失察私  
鹽處分以及各項鹽務事宜悉歸鹽道照舊辦理

則督緝一端均有專責不致廢弛矣奉

旨該部議奏隨經部議覆准奉

旨依議

雍正四年十一月戶部為請將竈丁歸併竈地徵收等事議覆浙江巡撫兼理兩浙鹽務李衛疏稱江浙竈丁應歸竈地徵收一案經前署撫臣甘國奎清查會題接准部覆仁和倉暨許村等八場錢塘倉暨西路等九場峽門華巖二倉原有給丁之

地作何定則攤納原無給丁蕩地作何通融足課  
應令逐一查明妥議造冊具題至台溫二府屬無  
地攤丁並錢塘等倉西路等場原無蕩地之處交  
與鹽政查明漲墾新墾并應否抵補減免之處造  
冊定議具題等因行據鹽驛道副使王鈞詳稱仁  
和場之仁和倉及許村鮑郎鳴鶴西興錢清三江  
曹娥石堰等八場向有沿海灘蕩給丁樵刮例非  
按畝徵銀實皆計丁輸課者今即以每丁應納之



課攤於給丁蕩地計弓按畝定則徵輸其原無給  
丁蕩地及丁多蕩少者係仁和場之錢塘倉及西  
路海沙大嵩清泉龍頭穿山長山玉泉袁浦等九  
場并北監場之峽門華巖二倉或雖有給丁課蕩  
而沙磧蕪亭刮煎無幾或海潮侵削坍沒無存均  
不便改攤丁課更有本無給丁之地無可攤徵者  
故將各場舊有科稅蕩灘暫行通融均加攤納至  
台溫二府屬之無地攤丁并錢塘倉及西路等九

場北監場峽門華巖二倉黃巖等六場與北監場之白沙岳頭二倉或係無地可攤暫令各丁照舊輸納者或雖有給丁樵刮蕩畝而地少丁多因而酌量分別於舊有納稅蕩灘之內加攤者此特一時權宜原非經久必須清查陞漲抵補庶光丁得蘇苦累辦糧蕩戶亦免攤賠今查據許村仁和鮑郎鳴鶴海沙龍頭等場通共報陞蕩沙塗地三萬四千六百九十二畝三分三釐共應陞稅銀五百

七十一兩八錢六分三釐零均應抵補丁銀惟是各場應補丁銀為數尚多前項陞科銀兩不敷歸足如本場無地攤丁者即抵補本場丁銀如本場不須抵補者即抵鄰近場分之無地丁銀請於雍正四年由單內分晰刊入抵除前報暫攤納稅蕩灘之丁課並抵補無地可攤丁銀頒發商電曉示輸將改刊由單詳咨送部其餘各場現在通飭清查如有續漲及坍缺地蕩星飛呈報察明照例將

增減抵補各數列入每年由單內曉諭徵輸達部  
查核使漲者不能隱漏坍者得以豁除等情臣覆  
核無異謹會同江寧巡撫張楷合詞具題前來應  
如該撫等所請將有地倉場應徵竈丁銀兩攤於  
給丁蕩地之內按數徵收仍將所攤銀數列入各  
倉場由單內送部查核至台溫二府屬之無地攤  
丁并錢塘及西路等九場北監場之峽門華巖二  
倉黃巖等六場與北監場之白沙岳頭二倉亦應

如該撫所請將許村等場新陞蕩地稅銀抵除前報暫攤納稅蕩灘之丁銀但蕩地攤課原為撫恤憲丁起見該撫等務須酌派公勻使無偏累仍將所攤銀兩造入雍正四年由單內送部查核仍令該撫嚴飭各場如有續漲及坍缺蕩地即行呈報該撫查明照例將新陞蕩地稅銀抵補無地丁銀其坍缺蕩地稅銀照例勻派陞科蕩地仍將抵補勻派數目造入該年由單送部查核可也奉

古依議

雍正五年十月浙江巡撫兼理兩浙鹽務臣李衛  
題為謹陳鹽政錮弊酌量疏通緣由仰祈

睿鑒事竊惟裕課莫如銷引江浙各縣有於額引之外  
可以多銷者有僅能行銷足額并銷不及半者甚  
有片引不銷者在民間無食淡之理若能於少銷  
不銷之處設法疏通則多銷之縣錢糧豈不充盈  
而歷來鹽臣非不樂為但恐干例議不敢據實造

報故將不銷之引移於多銷之地仍照原額奏銷  
是以錢糧不能多出而私鹽亦由此得以充斥也  
臣去年雖亦循舊例而行然日夜籌畫思所以杜  
私銷引之計未嘗不以稽煎督煎之事責之場官  
而微員功名之念輕貪利之心重受賄縱私無人  
不然即盡加斥革而所換新官仍復如故此場官  
之不可恃也又未嘗不以巡私之事責之廳縣汛  
弁而各官俱有地方公事豈能每日親查所差巡

役兵丁又皆微末下人更無身家顧惜多將大夥  
賄放僅拏一二小販塞責此巡緝之不可恃也從  
前雖皆差有鹽政衙門承差督率商家催募之巡  
丁各場查緝臣見其未能實心出力又不得已而  
差本標弁目帶領兵丁沿河遊巡梟等久已知風  
暫為迴避亦難收有實效伏思官鹽之壅滯總由  
私販之衆多而竈戶之賣私總在場官之賄縱惟  
有添設巡鹽員弁以緝私更換實心場官以稽竈



庶可漸次杜絕查浙地私鹽出沒之所獨海寧海鹽平湖桐鄉為最且係嘉湖二府販私門戶而海寧之長安鎮乃其往來適中孔道請專設巡鹽把總一員兵一百名在此鎮分巡隘口歸臣標左營管轄於海寧等四縣及嘉湖要汛接壤江南之處周圍巡查選募勇健兵丁充當以商人向日僱用巡役之工食給為月餉不足者即以所獲私鹽變價添補但恐兵少地廣不能周巡查撫標額兵八

百名可於此中暫為抽派一百名酌委千把總一員幫同巡鹽把總協緝令其彼此稽查至出門船脚盤費即以商家所出鹽院承差巡費撥給俟一二月後酌量調換使不致熟識久而作弊此緝私之一法也至各場員官卑職小惟知利欲薰心萬萬不能改革應將現任場員分別優劣酌量咨部改補請以捐納候補候選錄用之同知通判州縣等官如有家道殷實情願効力者發浙量才分往

各場管事需其杜絕竈丁私煎私賣之責俟三年實有成效即予保題請

旨勅部准照原銜即用在任候憑其不能稱職者題明休致回籍不准再選倘有仍蹈故轍劣蹟昭著者題叅革職治罪伊等原有身家自能顧惜功名實心出力此稽竈之一法也以上二條雖不敢必其盡善無弊而以理勢揆度若能實力行之或亦不無裨益至於所轄江南數郡除徽州一屬每年實

可多銷其餘鹽政情形更有與浙不同應為另行設法者蓋緣蘇松常鎮各州縣四面水鄉港汊雜沓巨梟大舫百十為羣巡捕兵丁力難制伏又江南止有松所四場民竈雜居向俱就團買食賤鹽孰肯捨近圖遠加以私鹽橫行商皆虧折消乏棄業逃避上海南匯二縣數年片引不銷前鹽臣噶爾泰曾將上海令傳之詮叅革而壅滯如故臣雖剴切招商著令買補配銷并嚴飭地方文武巡拏

私販又經題明責成蘇松太道並江常鎮道就近督緝其疏銷事宜業已不遺餘力無如浙商資本微薄非兩淮富厚可比既不能盡收竈煎之鹽竈戶有鹽餘剩安能禁其枵腹以待而不肯售與私販乎一年之中拏獲問罪者不知凡幾非大為變通不能補救莫若將松所之浦東袁浦青村下沙四場場官於前項候補同知等官內再選最為殷實有身家者令其管理各竈所煎之鹽盡入官倉

除商人收買外餘剩者請借動鹽臣筆帖式成規  
項下銀兩交與管場各員照依場價盡數收買再  
擇商人內之殷實者將鹽發與領去如能照引數  
完課聽其歸完本銀自行配銷倘不能完課則於  
原本之外酌量增價些須令其領出分於城鄉市  
鎮多設店鋪賣出價銀按季繳還場員即以此銀  
源源買發多出之價作為盈餘逐年將數目造冊  
報部查核此四場事務更為緊要難辦管理之官

三年內仍行考核保題果能錢糧清楚引鹽多銷  
上等出衆者以原銜應陞之缺准其即陞至急公  
稱職稍次者照其原銜即用倘照舊無益者分別  
叅革在竈戶鹽既得售必不定欲賣與私販而梟  
徒無鹽可買亦可望其改業耕耘既免無知愚氓  
多罹法網且使平素不銷引之縣得以疏銷則歷  
來多銷之處皆可溢出課額即管理之各場員先  
使習學歷練亦於將來臨民有益但此法之行原

屬創始必三四年方得實見成效臣雖不能預期  
於數年之後惟是鹽法頽敝已甚臣兼理一日即  
有一日之責不敢緘默因循用敢縷悉瀆陳是否  
可行伏祈

聖明睿鑒

勅部議覆施行奉

旨該部議奏隨經部議以均應如該督所請覆奏奉

旨依議



雍正七年四月吏部等為遵

旨題覆事會議得浙江總督兼理鹽務李衛疏稱兩浙  
從前共有三十三場裁去十處有兩場而歸併於  
一甚至一官而管三處者如江南松江南匯縣之  
下砂原設三場自康熙四十二年雍正二年兩次  
併為一場皆因從前所出引鹽不及額數現今產  
鹽復廣竈地遙遠自非一官所能稽查周徧又浙  
江黃巖縣之杜瀆場於康熙三年歸併黃巖場查

杜瀆地方山海交錯寬廣百餘里與黃巖南北相  
隔又有椒江之險近日丁竈殷繁一員實難兼顧  
又永嘉縣之永嘉南監二場於康熙二十一年歸  
併雙穗場以三處之竈舍引鹽而責一人之督煎  
稽緝殊有顧此失彼之虞請將下砂三場原地酌  
量中分除頭場有官外復設二場一員其杜瀆一  
場仍與黃巖分管永嘉則須另立一場以上共復  
設場官三員給與印記各自緝私督煎等語應如

該督所請准其復設又疏稱橫浦浦東二場俱設金山衛之城外向將橫浦場課歸併平湖縣徵解但以附城竈戶令赴數十里外完納殊多苦累應請將橫浦場仍歸江南金山縣完課庶為得宜兩場相去不過二十里一官足可辦理并請裁去浦東場官一員以節冗費等語應將橫浦場課仍歸江南金山縣完納浦東場官准其裁去又疏稱竈課向屬場員徵解因微職難任錢糧重寄是以改

令縣徵現在場員既皆改用通判知縣州同等官  
應仍將各場課銀合場官就近設櫃徵收原封解  
交各縣拆併等語應如所請將各場竈課錢糧令  
場官就近徵收解縣又疏稱場員惟司代比催納  
而完欠解給仍屬於縣若定以考成竟照經徵一  
體處分則各員因代縣催比使之誑誤孰肯踴躍  
急公臣愚以為催比場員如有未完分數除止於  
罰俸外其應降職降級停陞者俱照離任官例罰

俸一年免其停陞倘催徵不力許該縣提比經識  
那用侵漁者仍即揭報另行從重議處如該縣不  
能稽察致有虧空仍照直隸州之例叅處著落分  
賠至有一場而坐落兩縣者場官應合算未完分  
數無庸兩地處分其從前欠課即令場員就近察  
核會縣詳報著追等語查各場鹽課錢糧既令場  
員就近徵收原封解交各縣拆併是代徵之場員  
並非專管官可比若照經徵舊例處分原屬太過

請嗣後代徵場員如初叅欠不及一分者舊例罰俸六個月今應免其議處欠一分者舊例罰俸一年今應罰俸三個月欠二分者舊例降職二級今應罰俸九個月欠四分五分者舊例降職三級四級今應罰俸一年俱免其停陞督催欠至六分以上者舊例俱行革職今若止於罰俸則欠數既多而處分太輕恐場員視為泛常代徵不力請嗣後欠六分者降職一級欠七分者降職二級仍令戴罪督

催欠八分以上者即行革職再初叅處分既已改  
輕則原叅各官亦不便照舊例議處請嗣後代縣  
催比之場員原欠不及一分年限內不全完者舊  
例降一級留任今應罰俸六個月原欠一分年限  
內不全完者舊例降三級調用今應罰俸一年原  
欠二分三分年限內不全完者舊例降四級五級  
調用今均應降一級留任再限一年督催如再不  
完照所降之級調用原欠四分五分年限內不全

完者舊例革職今應降一級調用原欠六分以上  
年限內不全完者革職如該場員催徵不力許該  
縣提比經識倘將已徵錢糧內有那移侵欺情弊  
即行揭報若該縣平時不能稽察查揭致有虧空  
者照直隸知州失察屬員虧空例議處至有一場  
而坐落兩縣者其場員兩地未完分數應合算併  
案處分其從前未完課項即令該場員就近查明  
會縣詳報著追又疏稱兩浙場員共二十三缺今



請復設三缺裁省一缺計二十五缺又續准部文  
鹽課大使批驗所員缺俱照例揀選將奉

旨來浙之二十三員選派委用又奉

旨照河工例令赴

臣

衙門具呈効力者現在一併彙冊

咨部存案惟是鹽務各官既令在外揀補則將來  
事故缺出必俟選擇有人咨部候文補用於緝私  
督煎諸事有悞請於効力人員內慎加挑選凡各  
場有地廣竈多之處即派一員前往協辦再有私

販出沒之所委之巡緝盤查俱令自備資糧俾其練習政務遇有相當缺出題補仍於每年歲底照河工例造冊送部等語應准其派委補放効力協辦又疏稱仁和許村二場向係鹽驛道所轄不由分司稽考但道員事繁不能親自查覈請將二場歸於寧紹分司管轄仍聽鹽道統屬所裁浦東場之俸工原係江南地方應抵補復設之下砂場無庸另增其浙江之杜瀆永嘉兩場官役俸工請照

舊核給等語俱應如所請行可也奉

旨依議

雍正七年四月戶部為請頒預備引目以資疏銷  
事議覆浙江總督兼理兩浙鹽務李衛奏稱兩浙  
鹽務歷係壓銷二季每逢春夏掣驗僅可行銷秋  
冬之引臣兼理以來雨暘時若場鹽廣產文武同  
心竭力緝私梟風漸息引地得以疏通商皆樂於  
買補近又發帑儘收竈戶賣剩餘鹽給商配掣在

於向不銷引地方運賣以濟民食因此額引較前  
預銷二季但上年場有餘鹽乏引配運即將所存  
之肩票陞課改銷近今肩引亦復廣售而預提引  
目一時不能接濟是以設法變通暫給印照網鹽  
赴所掣驗現今停泊河干候領新引到浙給商抵  
補開賣但給照赴掣不過一時權宜未可據以為  
例此時若竟請加引則日後行銷不及必致貽累  
商竈若聽其積鹽不收則私梟復萌請預為頒給

額外引目十萬道發浙貯庫應用其年月季分暫  
停預定每於掣期額引配足之外如遇場有餘鹽  
准令商人完納課費呈明請領現填某年某季發  
給配銷原係額外多備之引聽憑各所之商通融  
配掣倘一年期內尚不敷用再行咨部請領若有  
餘剩報部存俟下年續銷盈絀隨時不在額定考  
成限銷攤賠之內仍於每年奏報時將銷引若干  
道增出課費若干兩附同奏冊一體造送聽候查

核再如富陽德清嘉秀善桐諸義浦等縣及江南  
松江所屬沿海之區從前原係住賣引地久被私  
梟佔去除嘉秀善桐些須銷售此外各縣地方片  
引不銷每年課餉俱係改撥攤補均賠近今竭力禁  
逐設法調劑已令商人配引住賣頗見成效但歷  
來向食私販賤鹽倘商本太重鹽價稍昂又於民  
情未便是以臣斟酌通融凡此數縣行銷引目課  
餉照數完納外其每引公費雜費酌量多寡稍為

減免將鹽價令其比別處每觔賤賣使官引得銷  
價值仍減民間樂於盡赴商買則私販便可永杜  
等因前來查各場產有餘鹽原賴官引疏銷查河  
東自雍正三年為始每年預發餘引十萬道如遇  
額引不敷之處令運使填給照例納課將已行餘  
引儘數題報存剩餘引仍繳內部遵行在案今兩  
浙請頒額外引目十萬道應如該督所請照依河  
東之例自雍正七年為始臣部照數刷印令該督

按年差役赴部承領到浙貯庫每於掣期酌足之外准令商人領配餘鹽照引完納課費通融配掣倘不敷用再行咨部請領如有餘剩均於歲底即行繳部仍於每年奏銷時將所銷引目增出課費一同造冊報部查核其從前該督所給印照解部查銷至富陽等縣亦應如該督所請每引公費雜費酌量減免鹽觔價值亦量為稍減仍將減免各數報部查核可也奉



旨依議

雍正八年正月浙江總督兼理兩浙鹽務臣李衛  
題為再懇續頒餘引以速配銷以裕課賦事竊照  
兩浙年行引目除票引外額銷正引七十一萬三  
百道查從前私梟充斥多有未能銷足每常遞壓  
二季於次年通融配掣若再不能完衆商攤賠包  
課臣蒙

恩兼理鹽政逐一稽查設法整頓杜私疏引已將前鹽

臣謝賜履接管任內未完錢糧悉經清楚而年行引日照額全銷且又備掣從前存引溢銷後季鹽勛是以上年五月間臣在京

陛見之時奏請頒發額外引目十萬道以備餘鹽配掣業蒙

恩准頒發在案及臣回任後正值菜鹽旺銷之際私梟聞風斂跡官引疏通所有雍正七年分首次兩掣事竣合計掣驗商鹽共有一百二萬二千六百五

十引查該年額引七十一萬三百引內除六年冬  
掣已經預提透銷過一十六萬六千四百五引外  
僅存本年引目五十四萬三千八百九十五引同  
前請發餘引十萬道因未足用又於上年十二月  
內附疏題請餘引二十萬道今尚不敷引目一十  
七萬九千有奇理合具疏題請再發餘引十八萬  
道到浙配銷雍正七年已掣全數其應完課費銀  
兩俯俟核明造冊奏報但此項餘引原於年額之

外溢銷並非每歲一定之數盈縮難以預期所增  
正課公費併請額外銷算不入考成之內稍有餘  
剩之引遵例送部繳銷庶下便商民上裕

國帑矣奉

旨該部議奏隨經戶部以應如所請議覆奉

旨依議

雍正八年六月浙江總督兼理兩浙鹽務

臣李衛

題為續陳辦理鹽法事雍正六年七月

臣摺奏前

事浙江鹽政向因地方廣遠恐一時未能遍及故  
曾奏明將浙屬之寧台溫處四府并江南之崇明  
縣另為調劑次第舉行今臣查松江府城舊時附  
郭華婁二縣今又分出奉賢金山地方不為不大  
更有提督重兵駐劄宜乎私梟屏跡而從前片引  
不銷皆由向日提標及附近各營無不通同濟私  
大船裝載貯於兵丁屋內令其子弟家屬提攜籃  
筐滿街趁賣地方官不敢過問以致商人無可如

何將此數縣棄出不復行銷城內雖有數家鹽鋪  
皆係與營伍交往地棍於商人處批出些須鹽觔  
為名借官行私亦止畏法之鄉紳富戶不敢買食  
兵丁私鹽方向鹽鋪售取數十觔究屬片引不銷  
臣細看沿海形勢海塘之外不產鹽土其場皆在  
兩頭北則逼近川沙大營南有金山叅將若加以  
提標汛兵肯與出力協同兩營實心巡緝鹽徒插  
翅難飛屢與提臣柏之蕃悉心計議預備賞賚以

圖大破積習提臣亦肯身任其事近日弁兵奉法  
努力連報拏獲大夥私鹽數起查松郡原係商人  
不敢開店之處而雲南福建皆有文武官弁督銷  
之例若將公項所收鹽觔量行發交提標五營挑  
選誠謹千把總在於松郡城之內外監賣除出完  
課將鹽本解還源源接續則既予以責成又不無  
稍有餘利自必實力巡緝臣仍與提臣時常留心  
稽查庶鈔弊可除但產鹽之四場俟委官到日遵

照辦理酌量收買發商完課儘力督銷自然有益  
惟所慮者崇明一邑向係海外包額之區煎出鹽  
觔止為本地民食例禁不許透越別縣充斥內地  
後產鹽日多梟徒勾通鎮兵縣役任意廣煎不但  
往來領餉運米船隻順便裝載亦且渡海各船夾  
帶進內殆無虛日文武衙門向來皆有陋規屢次  
行文從不攔阻昨見臣在松江恐被差員內港截  
拏始據報獲一起近日鎮標左奇兩營盤鹽甚屬



上緊但恐不能久遠如是此地若不派官協巡稽  
查堵禦則蘇松常鎮等屬雖收餘鹽發商仍被崇  
明私煎攘奪引目仍舊難銷臣愚昧之見將現在  
命發管場各員內挑選明白強健者一人再派千把總  
一員發給盤費專在崇明要口駐劄並可往來稽  
察竈地其鹽應禁者嚴禁應收者酌收令其轉運  
發商辦課其私販小則移知營縣協緝大梟就近  
稟報總兵嚴拏解交蘇松道審究分別治罪翦除

窩頓毋許流入內地實於江省鹽政大有裨益至  
浙之寧處二府尚有官鹽一半溫台壅引久不行  
銷此非專係私販衆多之故實緣梟棍強橫動成  
命案各商但有本錢者俱不肯往彼處貿易現在  
止有消乏數人每家不過三二百金大處不能行  
運始向此等地方賒欠竈鹽拉扯零賣搜索微利  
臣前疏業將四府場員亦在更換准行之內但收  
買鹽觔彼時若一齊並舉誠恐遙遠難以照應未

敢率請今民頗知守法宜當一體動項廣收發給  
官商分頭運銷於產鹽多處添造厰座出入要路  
堵防隘口增課何止加倍即如從前諸義浦等縣  
梟徒潑橫難治之地業已漸次斂跡大銷引目此  
其明驗以上事宜臣恐具題遲緩等候部示往返  
需時有悞秋冬乘時辦理因敢仰瀆

天聽伏乞

聖鑒批示欽遵抑或原摺發議知照到日即當舉行為

此謹奏奉

旨怡親王張廷玉蔣廷錫議奏欽此隨以應如所請議覆奉

旨依議速行欽此部咨到臣隨經轉飭所屬一體欽遵在案今自雍正六年九月初六日至雍正七年十月二月底所有支發帑銀收買竈戶餘鹽配銷正餘引目課費及額外盈餘等項數目據鹽驛道王鈞造冊詳送前來臣覆加察核如支發帑銀一項查

奏留公費分規銀八萬兩給與各鎮府場商收買  
竈鹽銀六萬七千六百四十三兩內已解還銀五  
萬八千一百一十二兩五錢一分一釐臣於上年  
十月回任後即在此內續給各場商買鹽銀五萬  
七千四百六十二兩六錢四分通計存庫未放銀  
一萬三千六兩八錢七分一釐存各場商銀六萬  
六千九百九十三兩一錢二分九釐現在隨引按  
數交還接濟收買餘鹽歸於雍正八年歲底造報

此八萬兩之數所當仍暫存留作本源放給候  
餘息出有前數應用即將原動銀兩歸還充餉者  
也如收買餘鹽一項查從前竈戶所煎鹽觔在行  
銷之地商人或因乏本不能盡收而梟販充斥之  
處則商人竟至裹足不前窮竈待以餬口不得不  
以之濟私今發帑廣收通計江浙各場除商人自  
行收買外共官廠收過餘鹽一十九萬八千六百  
九引凡此所收之鹽昔日盡售於私今已皆歸官

賣此亦私梟斂跡之明驗也如配銷正餘引目一項查台溫二所年額止應銷引二萬七百七十八引二分五釐尚多壅滯未完松屬華婁奉金上南青福各縣額引三萬三千三百十七引歷來大半不銷又江屬之嘉定寶山浙屬之德清富陽諸暨義烏浦江等縣亦皆私販霸踞引目難以疏通今除各商銷運正餘引目之外所有發帑收買之鹽共配銷雍正七年正引及補銷六年壅引預銷八

年額引計共三萬三千二百一十四引共完正珠  
引課及公費銀一萬四千四百五十三兩八錢八  
分五釐零俱於各該年題銷案內分晰彙冊造報  
又配銷雍正七年請領額外餘引八萬四千七百  
九十三引共該正珠引課及公費銀四萬二百六  
十五兩二分四釐零現歸雍正七年額外餘引案  
內彙冊題報以上止就帑鹽一項計之而所銷正  
餘引目較之歷年原額不啻加倍官引既多私販



自少此行之已有成效者也至於正引餘引之外  
又有溢額盈餘臣通盤查核共有三項一係台溫  
二所暨鎮海縣嵩玉場餘鹽及台溫松三所官廩  
銷賣肩販漁鹽共計八萬六百二引各則科算正  
珠引課公費共銀一萬九千七百七十一兩三錢  
二分八釐零此因正引已完餘引未到而民食不  
能稍緩漁汎更難愆期暫以印照配賣接濟急需  
一係台溫鎮府暨松江提標中營叅將等處將所

收竈戶餘鹽照時價發賣民食除歸還鹽本及賞  
給弁員養廉巡兵工食以及建造鹽廩官署運鹽  
腳價撥充玉環城工經費等銀外共存銀二萬二  
千一百九十九兩五錢五分五釐零在民既免食  
私之累又無貴價之慮皆稱兩便一係各商人將  
官收餘鹽領去銷賣除配納正課公費外其鹽本  
銀兩如係一掣繳還者每百兩加銀五兩五錢五  
分五釐若兩掣繳還者每百兩加銀十兩此外餘

利悉歸商得計共應繳餘利銀七千五百三十三兩四錢四分一釐零此皆商人既得官鹽配銷又獲多沾餘利悉皆踴躍急公隨引繳還者也以上額外盈餘共又得銀四萬九千五百四兩三錢二分四釐零現在已解道庫銀一萬五千四百四十八兩五錢五分四釐零存貯鎮府營場銀共二萬八千六百九十二兩八錢一分七釐零存貯商店銀五千三百六十二兩九錢五分二釐俱為陸續

收買餘鹽源源接濟并臣從前分晰陳明如關地  
方緊要有益民生公務即於此項額外盈餘銀內  
動撥應用仍俟本年歲底另行造冊報銷惟是前  
項溢銷引鹽課費盈餘銀兩皆仰賴

皇上洪福雨暘時若場鹽旺產俾得因地制宜隨時設  
法廣銷溢額非係將來每年一定之數盈縮難以  
預期相應一併聲明伏乞

皇上睿鑒

勅部查照施行奉

旨該部知道

雍正八年六月為敬陳鹽法相沿陋弊酌議調劑  
清釐等事議覆浙江總督兼理兩浙鹽務李衛將  
兩浙鹽政事宜酌陳四款具題前來一稱鹽課錢  
糧額徵欸內有各州縣功績等銀七千八百一十  
五兩滴珠銀七千八兩一錢五分內除各縣地丁  
項下編徵抵課水手銀九百二十二兩五錢五分

九釐有欸可徵外其餘銀六千九百七十兩五錢  
九分一釐並無原欸可徵此項課銀派於各州縣  
解納照縣分大小分別多寡限定一年獲變私鹽  
船物之價起解充餉少者罰令賠出在州縣以為  
有欸無徵又皆責之鹽捕弓兵賠墊完納此項錢  
糧久列額徵欸內未便竟請豁免而每年實獲船  
鹽變價罪贖等銀又不足七千八百一十五兩之  
數再四思維查各處商家本多引少者向係租賃

本少乏商引目配掣每張給銀五六七八分不等  
今額外所發餘引俱係給商不須租價止有交部  
引張紙硃及往來領繳路費為數無多臣擬自雍  
正八年為始凡有情願請領餘引之商人每引輸  
銀四分內以六釐留為紙硃領繳路費以三分四  
釐交貯鹽驛道庫所有功績項下銀六千九百七  
十兩五錢九分一釐除將每年實獲船鹽變價罪  
贖等銀解抵之外其餘不敷數目即於餘引租價

之三分四釐內補解抵欸不復再派各州縣捐解  
惟是餘引行銷多寡無定若遇銷多之年抵解有  
餘即留為下年湊解倘遇有銷少不敷之時於鹽  
務准留應用公費十二萬五千兩節省之項暫行  
墊解俟次年餘引充裕仍行扣完補項務使年清  
年欸不致虧額至於此外各縣編徵抵課等銀九  
百二十二兩五錢五分九釐原係地丁項下之欸  
請從雍正八年為始令各縣照編解交藩司解部



造入地丁題銷案內聲明彙算考成毋庸再入鹽政以滋牽混又稱歷任鹽臣銷過殘引例應追出繳部其中或有水火盜賊遺失及肩挑小販道路碎裂醎醎漁戶波濤漂沒不能完全從前每將後任殘引抵數繳送又撥解定限止有八十日之期而行銷州縣共有一百餘處未能如期解足故有後引先到者即行墊解而以續解之前引反抵後發之引其事不知起自何時至今數十餘年歷任

皆照前例而行臣兼理以來嚴飭設法清查惟將  
本任銷過之引隨時追繳貯庫不許那移牽混而  
在已往者莫可究詰所缺殘引至今未能追清臣

查每年引目數十萬張分散各處行銷原不能一  
無缺少在當日初起之時豈能保無重照之弊今  
遠年舊引難於影射亦屬無用謹據實題明將歷  
任現在者儘數繳銷其已經抵還別任及實係遺  
失無着者免其輾轉追究此後逐年清出次歲遞

繳果屬水火遺失肩販漁戶損壞取具官商印甘  
各結聲明存案扶同捏結加倍治罪又稱兩浙引  
課除江南松所外杭所每引徵課銀四錢四分零  
嘉所每引徵課銀四錢二分三釐零紹所每引徵  
課銀三錢四分零在當日原因地方衝僻行銷難  
易分別等差酌定課則今各處私鹽漸少官引疏  
通完課似應畫一臣經飭行鹽驛道王鈞委令寧  
紹嘉松兩分司傳集各所衆商公同酌議三所引

目通共五十八萬八千七百六十七引七分五釐  
課銀二十三萬四千二百二兩一錢四分九釐零  
照額攤算杭嘉紹三所每引均納課銀三錢九分  
七釐零使額課均平不致偏有輕重羣情允洽相  
應一併題明均於本年遵照奉行又稱前任鹽臣  
噶爾泰題定每引輸腳價七釐乃就年額八十萬  
引目計算今臣題請之餘引係額外之款不入考  
核已有每引六釐為紙硃路費不復另輸腳價以

滋重複等語均應如該督所議可也奉

旨依議

雍正十一年十一月戶部為遵

旨議覆事議覆浙江總督管理兩浙鹽務程元章疏稱  
據浙江鹽驛道張若震詳稱江南靖江一縣久隸  
兩浙地雖逼淮場而從前題明包納浙課不歸淮  
屬者誠以靖江以南即屬江陰武進丹徒無錫及  
長洲元和吳縣各縣俱係行銷浙鹽之地若一運

銷淮鹽則奸商巨販借官行私連艘飛渡蘇常引地盡為淮私透越在浙之官引必致壅滯而淮商之課鹽亦難疏銷今浙商楊恒裕既承認行銷則靖江食鹽自應仍歸浙省毋庸改撥淮商更張舊制至於現在包課銀五百八十九兩零係照下下則例計算引二千二百六十九引今該縣戶口繁盛暫以三千引為率在於每年餘引內照數配運但浙鹽路遠費繁難同淮鹽科則應請仍照康熙

十八年題定下下則例每引完課二錢五分九釐  
零共完課銀七百七十八兩八錢三分三毫零倘  
銷不及數責商賠補額數有增再行陞報惟靖邑  
與通州之場竈接壤向食淮私今既行運浙鹽應  
專令靖江文武官弁協力稽察添設巡役分路查  
緝所需工食商人自行捐給緝獲私鹽照例充餉  
其一切審詳私鹽案件仍由浙省鹽政衙門管理  
所有三江營同知巡緝核轉之處伏候題明更正

再准鹽已經運賣應請掣回飭令浙商楊恒裕運  
鹽接濟其包課銀兩原於地丁攤收應請於雍正  
甲寅年豁除臣謹會題等因查靖江一縣向納浙  
課自應行銷浙鹽應如所請將靖江食鹽仍歸浙  
省銷售專令靖江文武員弁協力稽察添設巡役  
分路查緝緝獲私鹽照例充餉一切審詳件案仍  
由該鹽政衙門管理從前三江營同知巡緝核轉  
之處准其更正已運准鹽速飭掣回令該商運鹽



接銷其靖江縣包課銀兩相應准其豁除可也奉  
旨依議

雍正十三年十一月總理事務莊親王等為遵

旨議奏事據署副都御史陳世倌條奏三款內稱一鹽  
課額外之虛名宜停止也查鹽課引有定額觔有  
定數按引辦課未必定有奇贏即獲微利亦何妨  
留與商人裕其資本乃近年來多有以隨例歸公  
者且狡詐之徒仍於暗中令商人重出故在官多

一分之歸公在商反添一分之誅求此商之受其  
弊者也請嗣後祇是按引辦課但令綱不墮壓課  
不虧欠便為稱職一切歸公捐助等項虛名永行  
停止等語查鹽規既已歸公止應如數完納豈得  
復於歸公之外勒索病商嗣後倘有不肖官員暗  
勒商人重出以飽私橐者許該商控告治罪並令  
該督撫鹽政時加訪察違者即行叅處毋得徇隱  
至所奏捐助一事現奉

諭旨禁止官吏勒派併將督撫失察及徇庇者均照例  
分別處分在案嗣後鹽政等官倘有借名捐助而  
暗諭商總勒令公派者該督撫即將該鹽政等據  
實題叅如督撫有失察徇庇等情一經發覺將督  
撫一併議處可也奉

旨所議甚是依議速行

浙江通志卷八十四

欽定四庫全書

浙江通志卷八十五

鹽法

下

浙鹽官制

兩浙巡鹽御史一員

詳見  
職官

兩浙鹽驛水利副使道一員

詳見  
職官

寧紹溫台分司運副一員

以下俱詳  
見職官

嘉松分司運判一員

經歷一員

將盈庫大使一員

批驗所大使四員

鹽場大使二十五員

行鹽地方

國朝鹽筴之行自兩淮外無廣於浙者東迤海北距揚子江西盡歛信之域南暨甌閩之交所食者皆浙鹽也其界三面鄰淮鹽而一面與閩之鹽接故以

省計之曰浙江曰江南曰江西以郡計之十有七  
其隸浙江者十一曰杭州曰嘉興曰湖州曰寧波  
曰紹興曰台州曰金華曰衢州曰嚴州曰溫州曰  
處州隸江南者五曰蘇州曰松江曰常州曰鎮江  
曰徽州隸江西者一曰廣信以州計之曰太倉曰  
廣德並隸江南

批驗所

本朝置松江寧紹溫台嘉興四分司督鹽課今併歸二

分司管轄杭寧紹溫台分司管杭紹二所嘉松分

司管嘉松二所

一杭州批驗所

在郡城東北艮山門之內瀕東運河新橋南掣廳西向凡商鹽到所由艮

山門入泊太平橋候巡鹽御史按掣掣畢放行泊德勝豬園二壩候程開運鹽河有二道浙東鹽過壩進武林門由中河出鳳山門過江壩經富陽關桐廬關嚴州關盤驗浙西鹽過壩由官河出北新關至蘇湖二府盤驗

一嘉興批驗所

在嘉興府春波門外五里掣廳北向前為運河三面有橋北為虹涇橋有

柵巡鹽御史按掣時商鹽泊運河橋下封柵候掣畢船鹽俱出虹涇橋堆貯新創鹽倉內四縣票引



分別另貯候商領程開  
運經蘇湖二府盤驗

### 一 紹興批驗所

在府治西北六十里蕭山縣之東南隅北瀕運河各場配鹽俱從錢清江

達官河或經長山閘抵所候掣畢運至新壩義橋堆貯江岸俟領程開運又令於發運處所挨戶編立保甲候商領程開運經富陽等三關盤驗

### 一 松江批驗所

在府城西南二里南瀕運鹽河商鹽運掣自黃浦入東汊港至所下巡鹽

御史臨掣時於小斜涇大張涇橋梓潼橋下俱釘木柵以絕飛渡俟掣畢開放掣過鹽船向皆停泊尤整散漫難稽康熙六十年詳定於沈埭地方建柵嘉松分司差役巡守并令所官不時稽察候商領程開運

場竈

杭寧紹溫台分司所屬場分

仁和場

仁和錢塘二縣地方 仁和茶槽倉  
錢塘倉 共五園煎竈八十三座

本場額設仁和錢塘二倉向係分縣徵輸分產承辦  
中有課蕩稅蕩之不同課蕩者煎鹽辦課之蕩徵  
丁而不徵稅稅蕩者其地潮水不上無由刮煎故  
祇種花豆徵稅而不徵丁仁和倉竈丁皆給課蕩  
樵煎雍正三年奉文丁歸地徵所有丁課攤歸課

蕩按畝均輸其餘蕩地仍照則納稅不加丁課錢  
塘倉逼處江濱頻遭坍沒之患惟浮山一帶有地  
而非刮煎之土故竈丁不諳煎燒凡課蕩稅蕩皆  
種花豆今丁歸地徵故丁課亦同仁和均攤但課  
蕩已經坍沒四千四百餘畝因將丁課槩攤課稅  
兩蕩之上而各則稅蕩又復坍沒二千五百六十  
五畝零缺稅不便虛懸今併同丁課均攤各則現  
飭仁和場大使清丈陞出抵除

本場原額課蕩共七萬四千一百八十一畝九分八釐七毫一絲五忽

本場上中下各則稅地沙蕩共五萬一千五百六十二畝一分九釐八毫六絲三忽七微七纖四沙五塵八渺三漠

本場子沙八千四百七十九弓向給竈戶樵煎例不起稅今撥駐防旗丁牧放馬疋與許村場分年輪值

本場官塘牛路水浦九十八畝六分三釐二毫六絲  
四忽八微係給竈戶車運柴滷亦不徵稅起科  
雍正六年仁和場地蕩被海潮衝塌缺課銀一千  
七兩六錢一釐一毫零題准自雍正七年起停其  
徵收又雍正九年仁和場竈地被潮衝坍一萬二  
千三百三十畝除將丈陞加則等稅抵補外實坍  
缺課銀五百六兩五錢零題准自雍正十年為始  
停其徵收查有各場新漲之地丈陞撥補

許村場

海寧縣地方 東倉 西倉  
共十六團煎鹽一百九十五座

本場原額東西橫濶課蕩共一萬三千八百八十九  
大三尺六寸二分九釐三毫內分段丈實草蕩三  
萬三千四十二畝八釐八毫五絲又沙埭四千五  
百七十八丈三尺五寸九分五釐九毫卅後復漲  
故址已失丈見實地九萬三千七百二十畝七分  
一釐七毫三絲一忽

本場各則稅蕩稅地共七千七百一畝七分七釐五

毫九絲

雍正十一年七月題准許村場蕩地前被潮坍九萬八千一百八十六畝三分七釐零共缺課稅銀一千六百八十六兩六錢九分六釐零於雍正七年題准自雍正六年為始停其追徵續經清查鮑郎西興錢清等場新陞銀兩撥抵今該場西倉地蕩二千七百一十七畝一分二釐零上年四月間復遭潮患坍海無存額徵課銀一百二十八兩四錢

七分二釐零自雍正十年為始停其催徵俟各場續報新陞銀兩另行撥抵

謹按以上仁和許村二場向因附近省城舊隸運司所屬不隸分司雍正七年題改俱歸寧紹分司管轄仍隸鹽道統屬

西興場

蕭山縣地方裁併錢清場不設煎鹽

本場課蕩七千六百六十九畝三分

本場上中下各則稅蕩六萬七千三百一十二畝一

分九釐九毫九絲四忽



錢清場

山陰蕭山二縣地方  
共八團煎電五十二座

本場辦課灘場七千五百三十二弓六寸

本場上中下各則稅蕩二萬一千七百四十畝八釐

六毫八絲六忽

三江場

山陰縣地方  
共八團煎電二百五十一座

本場辦課灘場一萬六千四百六十六弓又課蕩一

萬七千一百六十七畝八分四釐

本場上中下各則稅蕩一萬二千九百六畝七釐七

毫四絲八忽一微

曹娥場

會稽上虞二縣地方  
共七團煎竈六十五座

本場辦課灘蕩一萬八千九百七十八弓

本場上中下各則稅蕩二萬八千五百五十二畝二分七釐七毫四絲六忽

石堰場

餘姚縣地方  
共五團煎竈二十八座

本場上中下各則課蕩七萬七千九百三十七畝三分五釐二毫六絲七忽

本場上中下各則稅蕩一十一萬七千六百七十八畝二分五釐二毫七絲三忽

鳴鶴場

慈谿餘姚二縣地方  
共六團煎竈四十座

本場課蕩二萬六千一百二十三畝一分一釐六毫四絲  
本場稅蕩二萬五百二十九畝三分三釐五毫二絲八忽

清泉場

鎮海鄞縣二縣地方  
五團煎竈二百五十七座  
共十

本場舊給灘場二萬二千二百四十六弓皆堅硬荒  
砂久為廢壤不行攤課其丁銀攤於刮土淋煎之

海灘并竈田地蕩倉基及積年展復地畝之上按則均辦第竈田等地畝向經按則完稅復加攤丁俟有新漲陞課即與抵除

本場辦課海灘三千四百八十七畝七分

本場上中下各則辦稅竈田地蕩四萬一千九百八十畝五分六釐九毫九絲三忽六微六纖六沙六塵

龍頭場

鎮海縣地方裁併清泉場  
共十三團煎竈七十七座

本場辦課灘蕩一萬二千九百五十六弓

本場中下各則辦稅竈田地蕩四萬九百三畝六分  
七釐二毫二絲七忽四微九纖七沙四塵四埃八

渺四漠

穿山場

鎮海縣地方 共四  
團煎竈三十三座

本場各則辦稅竈田地蕩一萬六千六百畝五分二

釐七毫六絲四忽

長山場

鎮海縣地方裁併穿山場  
共七團煎竈六十七座

本場辦課灘塗一千九百六弓九分

本場辦稅竈田地蕩二萬五千一百八十畝一分四釐三絲五忽七微八纖四沙七塵七埃三渺

大嵩場

鄞縣地方 共四國煎竈二十九座

本場辦課灘塗草蕩六百五十二弓二分

本場辦稅各則蕩地四萬一千五百七十畝五分六釐八毫四絲七忽九微二纖

玉泉場

象山縣地方裁併大嵩場共三國煎竈一十六座

本場辦稅竈田地蕩一萬九千一百九十三畝四分二釐六毫七絲九忽九微五塵

長亭場

寧海縣地方 共四團煎竈一十六座

本場分山海二竈山竈人居山谷不諳煎燒徒手辦課海竈居近海濱刮煎是業雖有蕩地山沙俱係瘠土所有丁課難以均攤現在查陞抵補

本場展復辦稅倉基一所

本場復辦稅山蕩田塘沙地二千一百八十七畝二

分三釐八毫三絲

黃巖場

黃巖臨海太平三縣地方  
共十一團煎竈五十七座

本場止有稅蕩並無額給樵煎之地且丁多蕩少難以攤派仍照舊徵輸惟是徒手光丁艱於辦課俟有新漲陞課撥抵

本場辦稅地蕩一萬二千一百一十二畝三分六釐八毫六絲五忽二微六纖

杜瀆場

臨海縣地方裁併黃巖場  
共五團煎竈一百二十四座



雍正七年題准杜瀆場復設場官一員與黃巖分管

本場辦稅地蕩一萬二千一百七十六畝三分三釐

四毫

雙穗場

瑞安縣地方 共五  
團煎竈二十九座

本場辦課飛雲渡南北兩岸等內地九百八十畝

本場辦稅蕩地一萬三千四百二十三畝七分四釐

九毫八絲八忽七微四纖

長林場

樂清縣地方 共五  
園煎竈五十四座

本場辦稅坦地一千三百一十四畝三釐一毫九絲

九忽

永嘉場

永嘉縣地方裁併雙穗場  
共四園煎竈六十九座

雍正七年題准永嘉另立一場復設場官一員

本場辦課地八百五十一畝五分

本場辦稅地蕩八百九十三畝六分八釐四毫五忽

二微

南監場

平陽縣地方裁併  
雙穗場不設煎竈

北監場

樂清太平二縣地方裁  
併長林場不設煎竈

本場丁課於展復蕩地及新墾田畝之上均攤外其  
白沙岳頭二倉實係無地丁課難以虛懸暫行照  
舊輸納俟有漲墾陞課撥抵

嘉松分司所屬場分

西路場

海寧縣地方 舊倉 新倉 共  
三十九團煎竈 三百三十六座

本場竈地舊分東三圍西六圍康熙六十一年間西

六圍被潮衝沒沙亭三千二百三十三丈九尺并  
陞地二畝窮丁失業缺課銀五百五十一兩零巡  
鹽御史楊為梓題請攤於同所之海沙蘆瀝二場  
代納銀三百八十六兩零餘仍令本場勉力自完  
雍正三年奉文丁歸地徵又丈缺東三圍竈地八  
千六百七十五畝五分零缺課銀兩本場雖自行  
攤納實不得已遵照由單以漲補坍之例俟清查  
各場漲墾地畝不拘是何場分先儘劃抵

本場現存東三圍課蕩一千三百四十八畝六釐五毫六絲一忽

本場現存稅地二十二畝六分

鮑郎場

海鹽縣地方 共一十九座  
團煎竈一百五十九座

本場課蕩一萬二百九十畝三分四釐七毫五絲二忽又海灘四千三百五十弓一尺二寸

本場各則稅蕩稅地七千六百二十七畝八分三釐一毫八絲六忽四微

海沙場

海鹽縣地方 共二十一團煎竈一百九十九座

本場代納西路場冊課一百二十五兩零俟西路漲

壑仍自歸辦

本場課蕩二萬四千二百七十五畝六分八釐五毫七忽又海灘一萬三百九十四弓四寸

本場上中下各則稅蕩三萬九千六百九十八畝八分八毫四絲七忽

蘆漚場

平湖縣地方 共十三團煎竈一百一十七座

本場代納西路場銀二百六十一兩零俟西路復漲  
仍歸自辦

本場上中下各則課蕩九萬四千三百六畝四分九  
釐四毫五絲三忽

本場上中下各則稅蕩五千二百三十八畝五分一  
釐九絲三忽七微又各則海灘灰場四千八百七  
十八弓

橫浦場

平湖縣地方 共五  
團煎電五十二座

雍正七年題准橫浦場仍歸江南金山縣完課

本場上中下各則課蕩二萬八百七十六畝八分七釐六毫五微六纖七沙三塵七埃五渺九漠

本場各則稅蕩一萬八千九百七十二畝一分二釐四毫八絲九忽四微三纖二沙六塵二埃四渺一漠又沙塗二千八百九十五弓

浦東場

金山縣地方 共三團煎竈二十七座

雍正七年題准浦東場裁併橫浦場



本場上中下各則課蕩四萬三千二百二十二畝二分八釐

本場各則稅蕩三萬三千五百一十三畝七分五釐六毫三絲四忽三微七纖五沙

袁浦場

華亭縣地方 共十團煎竈八十七座

本場蕩地除見存備荒蕩外其餘課稅兩蕩坍沒僅存一萬七千有奇今將丁課均攤各則地蕩之上所有缺額雍正三年鹽臣謝賜履題攤於同所之

青村浦東下砂一二三場代納俟查各場新陞即予歸抵

本場上中下各則課蕩六千九十八畝九分九釐四毫

本場各則稅蕩一萬九百一十七畝六分二釐七毫二絲

青村場

奉賢縣地方共二十九團煎鹽三百九座

本場上中下各則課蕩三萬二千六百五十三畝六

毫二絲五忽

本場各則稅地四萬三千五百五十畝一分三釐六

毫五絲

下砂場

南匯縣地方 共十六團煎竈一百四十九座

本場各則課蕩一十萬五百二十四畝七分九釐八毫

本場各則稅蕩六萬四千五百五十七畝四釐七毫

又鹽墩四千一百二十三所半

下砂二場

南匯縣地方裁併  
下砂場不設煎竈

雍正七年題淮南匯縣之下砂二場復設場官一

員緝私督煎

本場上中下各則課蕩一十萬六千八百一十四畝

八分七釐三毫七絲一忽

本場各則稅蕩一萬二千二十五畝一釐二毫一絲

七忽四微

下砂三場

南匯縣地方裁併  
下砂場不設煎竈

本場上中下各則課蕩八萬三千七百四十畝八分九釐二毫九忽六微九纖

本場各則稅蕩六萬四千五百一十九畝三分二釐四毫二絲七微一纖

謹按西興等場或因無涵或因坍沙皆先後裁併又或隨時添設雍正七年題准復設松江南匯縣之下砂二場浙江黃巖縣之杜瀆場永嘉縣之永嘉場裁去松江金山縣之浦東場凡場所大使向係未入流今題准給與正八品職銜以重緝私督煎征比竈課之任

# 引目

順治元年令寶泉局刊鑄銅板刷印鹽引每引納紙硃銀三釐附同正課交運司按年解部以供刷印三年差戶部加銜侍郎督理淮浙引務駐劄揚州七年停差督引部員仍令運司官吏赴部關領十三年令巡鹽御史先領二季鹽引赴任其二季仍委員赴領康熙十二年令兩浙每年四季鹽引預支戶部庫銀刷印交新差御史帶往俟解到紙硃銀補庫

正引原額六十六萬七千一百五十三引一百斤

松江所增一萬四千九百引

計丁加引增一萬八千六百四十五引五分

金華西安常山三縣增一千引

粟引原額七萬四千七百五十引

計丁加引增一萬八千九百四十八引

仁和錢塘二縣增七千引

正引派額

杭州所派行引目一十一萬八千六百一十二引

嘉興所派行引目二十六萬四千四百一十五引七

分五釐

紹興所派行引目二十萬六千二百六十引

松江所派行引目九萬一千六百三十三引

溫州所派行引目七千九百五十一引

台州所派行引目一萬二千八百二十七引二分五

釐



以上六所正引派額共七十萬一千六百九十

九引

票引派額

嘉興秀水嘉善桐鄉四縣派行引目二萬三千七百

四十二引

嘉所附掣鹽斤與正引同

仁和錢塘海寧餘杭海鹽石門平湖慈谿鎮海山陰

會稽蕭山十二縣派行引目五萬六千八百四引

俱肩銷

奉化嵎縣二縣派行引目一萬一千六百引

俱商銷

鄞縣象山餘姚上虞四縣派行引目八千五百五十

二引

商肩並銷

以上票引派額共一十萬六百九十八引

正引分銷

富陽縣年銷正引二百七十九引又計丁加引四百

二十一引

紹所掣銷

臨安縣年銷正引四千二百一十引

杭所掣銷

新城縣年銷正引四千五十一引

杭所掣銷五百七十六引紹所掣銷

三千四百七十五引

於潛縣年銷正引三千六百二十二引

杭所掣銷一千四百二十

二引紹所掣銷二千二百引

昌化縣年銷正引四千七百四引

杭所掣銷五百三十五引紹所掣銷

四千一百六十九引

烏程縣年銷正引一萬七千一百八十三引

杭所掣銷四千

七百一十三引嘉所掣銷一萬二千四百七十七引

歸安縣年銷正引一萬一千六百六十九引

杭所掣銷三千

四百引嘉所掣銷八千二百六十九引

長興縣年銷正引二萬三千四百七十六引

杭所掣銷六千

四百八十引嘉所掣銷一萬六千九百九十六引

德清縣年銷正引四百六十六引又計丁加引一千

八百八十九引

杭所掣銷

武康縣年銷正引二千七十引

杭所掣銷

安吉州年銷正引五千七十七引

杭所掣銷一千三百引嘉所掣銷三

千七百七

十七引

孝豐縣年銷正引四千四百五十九引

杭所掣銷一千九百九十

五引嘉所掣銷二

千四百六十四引

諸暨縣年銷正引九千七百引

紹所掣銷

臨海縣年銷正引一千二百七十五引又計丁加引

六百三十三引

台所掣銷

黃巖縣年銷正引一千八百七十五引

台所掣銷

寧海縣年銷正引七百五十引又計丁加引一百九

十二引

台所  
掣銷

太平縣年銷正引三百八十八引

係計丁加引  
台所掣銷

天台縣年銷正引一千二百一十三引

台所  
掣銷

仙居縣年銷正引一千九百八十七引

台所  
掣銷

金華縣年銷正引一萬五百七十六引又新增三百

三十四引又代銷溫引四百引

紹所  
掣銷

蘭谿縣年銷正引一萬三千五百四引

杭所掣銷七  
百五十四引

紹所掣銷一萬二  
千七百五十引

又代銷溫引五百八十八引

紹所

掣銷

東陽縣年銷正引九百七十二引五分又計丁加引

七百八十五引五分

台所掣銷

義烏縣年銷正引六千引

紹所掣銷

永康縣年銷正引二千二引五分五釐

台所掣銷

武義縣年銷正引七百五十引又計丁加引四引

台所

掣銷

浦江縣年銷正引二千六百七十六引

紹所掣銷

湯溪縣年銷正引一千九百三十九引

杭所掣銷四百九十五引

紹所掣銷一千四百四十四引

西安縣年銷正引九千五百五十六引又新增三百

三十二引

杭所掣銷一千二百八十八引紹所掣銷八千六百引

又代銷溫

引六百引

紹所掣銷

龍游縣年銷正引九千七百三十九引

杭所掣銷一千四百五引

紹所掣銷八千三百三十四引

江山縣年銷正引三千六十二引又計丁加引一千



一百八十八引

杭所掣銷七百十七引  
紹所掣銷二千五百三十三引

常山縣年銷正引二萬六千四百七引又新增三百

三十四引

杭所掣銷七千九百十九引  
紹所掣銷一萬八千八百二十二引

又代

銷溫引六百八引

紹所掣銷

上饒縣年銷正引三百引

弋陽縣年銷正引三百引

玉山縣年銷正引五百引

永豐縣年銷正引一百引

鉛山縣年銷正引一百引

貴溪縣

無額

興安縣

無額

以上江西廣信府七縣俱分銷常山縣引鹽

開化縣年銷正引三千二百六十引又計丁加引四

百七十三引

杭所掣銷七百三十三引  
紹所掣銷三千引

建德縣年銷正引三千八十六引

杭所掣銷二百一十六引  
紹所掣銷

二千八百

七十引

淳安縣年銷正引五千六百八十六引

杭所掣銷三百一十五引

紹所掣銷五千三百七十一引

遂安縣年銷正引四千四百二十六引

杭所掣銷四百七十五引

紹所掣銷三千九百五十一引

壽昌縣年銷正引一千二百一十一引

杭所掣銷四百八十二引

紹所掣銷七百二十九引

桐廬縣年銷正引一千九百七十八引又計丁加引

五百七十五引

杭所掣銷八百四十一引紹所掣銷一千七百十二引

分水縣年銷正引二千一百八十五引

杭所掣銷三百八十四引

紹所掣銷一

十八百一引

永嘉縣年銷正引一千一百六十引又計丁加引四

百五十七引內除改紹行銷一千二百一十七引

實銷四百引

溫所掣銷

樂清縣年銷正引一百引又計丁加引一百引內除

改紹行銷一百引實銷一百引

溫所掣銷

瑞安縣年銷正引一百二十引又計丁加引一百二

十引內除改紹行銷一百四十引實銷一百引

溫所

掣銷

平陽縣年銷正引一百二十引又計丁加引一百二十

引內除改紹行銷一百四十引實銷一百引

溫所掣銷

泰順縣年銷正引一百二十引又計丁加引八十九

引內除改紹行銷一百九引實銷一百引

溫所掣銷

麗水縣年銷正引四千引內除改紹行銷一千九百

引實銷二千一百引

溫所掣銷

縉雲縣年銷正引三百引又計丁加引二百七十二

引內除改紹行銷一百七十二引實銷四百引

溫所掣銷

青田縣年銷正引二百引又計丁加引二百五十引

內除改紹行銷二百五十引實銷二百引

溫所掣銷

松陽縣年銷正引四十八引內除改紹行銷一十

九百五十引實銷二千一百三十引

溫所掣銷

遂昌縣年銷正引四百引又計丁加引一百三十一

引內除改紹行銷二百一十引實銷三百三十一

引溫所  
掣銷

龍泉縣年銷正引三千三百六十引內除改紹行銷

一千五百六十引實銷一千八百引

溫所掣銷慶元縣分銷

慶元縣

分銷龍泉縣引鹽二百二十五引

宣平縣年銷正引四百引內除改紹行銷二百引實

銷二百引溫所掣銷

吳縣年銷正引二萬五千七十七引

杭所掣銷三千五百三十引嘉

所掣銷二萬一千五百四十七引

長洲縣年銷正引一萬二千二百三十八引

杭所掣銷一千

五百二十引嘉所掣銷一萬七百一十八引

元和縣年銷正引一萬二千二百三十八引

杭所掣銷一千

五百二十引嘉所掣銷一萬七百一十七引

吳江縣年銷正引五千三十七引

杭所掣銷一千二百九十七引嘉所

掣銷三千七百四十引

震澤縣年銷正引五千三十六引

杭所掣銷一千二百九十六引嘉所

掣銷三千七百四十引



常熟縣年銷正引七千六百一十四引

松所  
掣銷

昭文縣年銷正引七千六百一十四引

松所  
掣銷

崑山縣年銷正引四千七百引

松所  
掣銷

新陽縣年銷正引四千七百引

松所  
掣銷

太倉州年銷正引五千七百五十引

松所  
掣銷

鎮洋縣年銷正引五千七百五十引

松所  
掣銷

嘉定縣年銷正引一萬一千三百六十四引

松所  
掣銷

寶山縣年銷正引一萬一千三百六十四引

松所  
掣銷

華亭縣年銷正引三千八百七十七引

松所  
掣銷

奉賢縣年銷正引三千八百七十七引

松所  
掣銷

婁縣年銷正引三千三百七十五引

松所  
掣銷

金山縣年銷正引三千三百七十五引

松所  
掣銷

上海縣年銷正引二千五百八十六引又計丁加引

六百九十一引

松所  
掣銷

南匯縣年銷正引二千五百八十六引又計丁加引

六百九十一引五分

松所  
掣銷

青浦縣年銷正引五千八百五十九引

松所  
掣銷

福泉縣年銷正引五千八百五十九引

松所  
掣銷

武進縣年銷正引一萬五千二百九引

杭所  
掣銷二千一百二十

五引  
嘉所掣銷一萬三千八百十四引

陽湖縣年銷正引一萬五千二百九引

杭所  
掣銷二千一百二十

五引  
嘉所掣銷一萬三千八百十四引

無錫縣年銷正引一萬七千一十引

杭所  
掣銷二千一百二十五引

嘉所  
掣銷一萬四千八百八十五引

金匱縣年銷正引一萬七千九引

杭所掣銷二千一百二十五引嘉所

掣銷一萬四千八百八十四引

江陰縣年銷正引五千一百三十七引又計丁加引

九千一百七十五引

杭所掣銷八百引嘉所掣銷一萬三千五百一十二引

宜興縣年銷正引二萬三百九十五引

杭所掣銷四千二百九十

五引嘉所掣銷一萬六千一百引

荆溪縣年銷正引二萬三百九十五引

杭所掣銷四千二百九十

五引嘉所掣銷一萬六千一百引

丹徒縣年銷正引四千四百七十二引

杭所掣銷二百七十引嘉

所掣銷四

千二百引

丹陽縣年銷正引一萬二千五百一十七引七分五

釐

杭所掣銷七百引嘉所掣銷一萬一十八百一十七引七分五釐

金壇縣年銷正引一萬三千六百八十九引

杭所掣銷五百

五十引嘉所掣銷一萬三千一百三十九引

歙縣年銷正引四萬四千七百八十三引

杭所掣銷一萬四千

一百五十七引紹所掣銷三萬六百二十六引

又代銷溫引三千一百七

十六引

紹所  
掣銷

休寧縣年銷正引五萬七千七百八十九引

杭所掣  
銷一萬

二千八百五十引紹所掣銷  
四萬四千九百三十九引

又代銷溫引二千五

百七十六引

紹所  
掣銷

婺源縣

雍正元年題定分銷  
休寧縣引鹽無額

祁門縣

雍正元年題定分  
銷黟縣引鹽無額

黟縣年銷正引一萬三千五百一十三引

杭所掣銷  
三千五百

一十三引紹所掣銷  
一萬引祁門縣分銷

績溪縣

分銷歙縣  
引鹽無額

廣德州年銷正引一萬二千八百八十六引

杭所掣  
銷三千

九十八引嘉所掣銷  
九千七百八十八引

建平縣年銷正引一萬四千二百六十四引

杭所掣  
銷五千

三十九引嘉所掣銷  
九千二百二十五引

溧陽縣年銷正引二萬四千六百九十九引

杭所掣  
銷六千

三百引嘉所掣銷一萬  
八千三百九十九引

以上正引分銷共七十萬一千六百九十九引

票引分銷

仁和縣年銷票引一萬一千五百引

錢塘縣年銷票引一萬一千五百引

海寧縣年銷票引七千一百九十四引

餘杭縣年銷票引六千引

嘉興縣年銷票引八千二百九十五引

附嘉所掣

秀水縣年銷票引五千九百九十一引

附嘉所掣

嘉善縣年銷票引五千九百九十五引

附嘉所掣



桐鄉縣年銷票引三千四百八十一引

附嘉  
所掣

海鹽縣年銷票引二千四百五十二引

平湖縣年銷票引二千九百四十九引

石門縣年銷票引五千一百一十一引

鄞縣年銷票引四千三百六十四引

慈谿縣年銷票引三千一十四引

奉化縣年銷票引六千一百引

鎮海縣年銷票引四百引

象山縣年銷票引二百引

山陰縣年銷票引二千九百引

會稽縣年銷票引二千一百引

蕭山縣年銷票引一千六百八十四引

餘姚縣年銷票引二千二百九十七引

上虞縣年銷票引一千六百九十一引

嵊縣年銷票引五千五百引

新昌縣  
分銷

新昌縣

分銷嵊縣  
引鹽無額

以上票引分銷共一十萬六百九十八引

餘引

餘引原無定額浙江總督臣李衛兼理鹽政以來  
鹽數溢銷因於雍正七年五月間奏請頒發額外  
引目十萬道以備餘鹽配掣又於十二月間再請  
餘引二十萬道八年正月又請發十八萬道其引  
照例於行銷後截角繳部申明餘鹽原無定數如  
有存留仍將生引繳部銷毀不在年額引目之內

殘引

凡引鹽掣過運往各賣地即將鹽引并水程投縣  
驗截其肩引計日銷完之後亦將引目投縣驗截  
四角俱經截去引為無用之物名曰退引亦曰殘  
引恐有商胥從中為奸或鹽到而引不投或引投  
而角不截影射重照莫可究詰致賣銷之遲違考  
成之分數無憑稽察故律嚴不繳退引之條飭令  
各州縣按季造冊責令經承賣繳鹽道核對引數

母許短少及查到縣日期有無違限沉匿不繳者  
按律究問每歲兩起差吏量給路費彙解戶部雍  
正八年戶部覆准兩浙嗣後繳銷殘引行令該督  
悉照雍正六年臣部題定之例遵行至從前遺失  
引張浙省向不報部迄今數十餘年莫可究詰自  
難責其繳銷應令該督將現在者即行儘數送部  
如查係實在遺失者取具該管官不致捏飾印甘  
各結送部遺引免其追究倘有扶同捏結等情即

將官商指名題叅分別議處治罪

掣掣

本朝順治初年杭嘉紹松等所四季委官掣驗孟起季  
竣迨後巡鹽御史奉停巡方鹽皆親掣一季不能  
遍歷四所遂定為一歲兩掣每掣兩季首掣以孟  
冬月為期次掣以仲夏月為期今兩浙鹽政歸併  
總督兼理照依部頒每歲春夏秋冬四季引目按  
年行銷期於年清年額定在每歲夏六月一掣冬

十二月一掣以符一年兩掣之限

掣之有摯乃鹽法之權衡也係奉部頒名曰摯子  
商鹽浮重者即為額外多觔歷奉嚴禁順治十七  
年兩浙巡鹽御史余司仁為鹽法有難清之弊等  
事題覆科臣楊雍建疏稱商人赴所秤掣輕重原  
自不齊有照額揣準者有浮重一二觔者其承湊  
底包或重五六觔及七八觔不等總不外於平則  
放行多則割沒之例部議覆准嗣後嚴禁各商如

有多帶至四五十觔即以私鹽律究治又鹺規開  
載行鹽事宜惟嚴於走水夾帶之巨奸而寬恤觔  
數多寡之小過准令裒多益寡通融牽算每引多  
餘五觔免究十觔以裏照舊倍納價銀十觔以外  
割沒問罪康熙十六年戶部等為鹽法之積弛等  
事會議覆准科臣余國柱條議凡割沒溢觔公罪  
名色永行停止遵行在案今間有搥配不齊或承  
湊底皮重五觔以內者量為發搥重至七八觔者



按通船引目科算割勛補引令其納課餘引追統  
若夫不肖奸商影射夾帶者則按律重懲原不徒  
事姑息也

課額

兩浙鹽課總額共肆拾貳萬伍千肆拾叁兩玖錢  
伍分柒釐柒毫玖忽柒微肆纖叁沙玖塵伍埃玖  
渺陸漠

商課

一商人正課等銀壹拾壹萬壹千捌百伍拾壹兩柒錢玖分

一商人生引價銀伍萬捌千柒百玖兩伍錢捌釐

一溧陽引課銀肆千兩

一小票改引正課引價銀捌千叁百肆拾兩肆錢叁釐壹毫伍絲

一加引增課銀肆萬伍千陸拾柒兩肆錢玖分伍釐

一台所改嘉松增課銀玖百肆拾肆兩叁錢柒分玖

釐貳毫玖絲參忽肆微伍塵肆渺肆漠

一松所新增引課價銀肆千肆百玖拾參兩壹錢柒分貳釐玖毫柒微柒纖

一紹引改杭嘉松三所陞課價銀捌百陸拾壹兩捌錢玖分捌釐捌毫捌絲玖忽玖微參纖貳沙玖埃捌渺肆漠

一紹引改嘉定縣陞課價銀參百玖兩陸錢伍分參釐陸毫肆絲參忽伍微壹纖壹沙肆埃

一紹所下則陞上則陞課價銀壹百陸拾壹兩伍錢  
壹分肆釐伍毫陸絲貳忽伍微柒沙貳塵

一台引改杭所陞課價銀叁百捌拾陸兩貳錢叁分  
一溫引改杭所陞課價銀壹千叁百壹拾貳兩貳錢  
一松所下則陞中則陞課價銀貳百玖拾柒兩貳錢  
肆分伍釐壹毫叁微叁纖

一加增鹽觔引課銀叁萬壹千叁百捌拾玖兩貳錢  
陸分貳釐伍毫

康熙十六年科臣條奏部議革除割沒名色每引  
加鹽二十五觔按各則分別徵課兩浙應增課銀  
陸萬貳千柒百柒拾捌兩伍錢貳分伍釐後於康  
熙三十八年

聖祖仁皇帝南巡

特恩豁免一年商人止輸前數

一票引加增陞課銀貳千貳百捌拾肆兩貳錢柒分  
伍釐柒毫伍絲柒微肆纖柒沙伍塵柒埃伍渺

一江浙計丁加引增課銀壹萬壹千伍百肆拾陸兩玖錢肆分伍釐肆毫玖絲捌忽肆沙貳塵柒沙肆漢  
一仁錢二縣新加票引增課銀壹千貳百伍拾柒兩陸錢柒毫柒絲壹忽肆纖陸沙捌塵

一仁錢二縣續加票引增課銀貳百玖兩陸錢壹毫貳絲捌忽伍微柒沙捌塵

一紹所金華等三縣新增引課銀叁百陸拾玖兩玖錢壹分玖毫叁微

一紹所下則陞中則陞課價銀壹千肆百肆拾壹兩  
叁分伍釐肆毫玖絲伍忽柒微壹纖叁沙肆塵

一溫引改紹所陞課價銀壹千壹百柒拾玖兩柒錢  
陸分陸釐柒毫壹絲玖忽肆微肆沙肆塵伍渺陸  
漠

縣場課

一縣場課稅餘糧銀貳萬伍千叁百叁拾叁兩貳錢  
壹分

一縣場水鄉庫價銀捌萬陸千伍百壹拾柒兩伍錢肆分陸釐柒毫肆絲捌忽捌微貳纖

一京書節省銀壹百貳拾玖兩肆錢

一各縣場新陞蕩地稅銀壹千叁百伍拾貳兩壹錢伍分陸釐肆絲陸忽

一溫台內地開煎新陞稅銀叁百兩壹錢壹分玖忽  
一各縣場清丈新陞稅銀伍百玖拾伍兩叁分肆毫肆絲肆忽陸微叁纖



一各縣場自康熙十六年起至康熙六十一年止逐年新陞稅銀共貳千柒百肆拾玖兩叁錢叁分伍釐壹毫貳絲柒忽壹沙貳塵玖埃陸渺貳漠

一雍正元年西興鳴鶴等場新陞稅銀陸兩柒錢捌分捌釐捌毫叁絲

一雍正二年西興長山海沙等場新陞稅銀貳兩捌錢肆分陸毫肆絲玖微伍纖

一各縣場自康熙十九年起至康熙六十一年止逐

年展復課稅銀肆千叁百貳拾壹兩捌錢貳分陸釐肆毫叁絲貳忽叁微肆沙捌塵捌埃貳渺肆漠  
一雍正元年長林雙穗場展復課稅銀陸兩玖錢肆分捌釐肆毫貳絲捌忽捌微柒纖伍沙肆塵

一雍正元年穿山雙穗等場展復課稅銀壹拾壹兩壹錢伍釐陸絲叁忽壹微肆纖肆沙柒塵陸埃陸渺肆漠

一雍正二年雙穗場展復課稅銀柒兩柒錢叁分柒釐

肆毫捌絲柒忽肆纖

一定海縣自康熙二十九年起到康熙六十一年止  
逐年展復課銀捌百叁拾柒兩陸錢玖分壹釐肆  
忽

一雍正元年展復水鄉課銀壹兩叁錢玖分玖釐肆  
毫肆絲

一雍正二年展復水鄉課銀肆錢玖分柒釐貳毫捌  
絲

一雍正三年展復水鄉課銀壹兩伍錢玖分陸釐

功績

一州縣功績私鹽船物座船水手等銀柒千捌百壹拾伍兩

雍正八年戶部覆准前項功績等銀六千九百七十兩五錢九分一釐除將每年實獲船鹽變價罪贖等銀抵解外其不敷銀兩自雍正八年為始凡有情願請領餘引商人每引輸銀四分內以六釐

留為紙硃領繳路費以三分四釐交貯驛鹽道庫  
補解抵款倘抵解有餘即留為下年湊解如有不  
足在於鹽務准留公費銀內暫行墊解次年餘引  
充裕仍行扣還補項至此外各州縣編征抵課水  
手銀九百二十二兩五錢五分九釐亦自雍正八  
年為始令各州縣照編解交藩庫歸入地丁案內  
彙算考成造冊題銷

牙稅

一各州縣場鹽牙稅銀捌百柒拾伍兩

包課

一崇明縣向不行引康熙十八年間計丁派引包課銀柒百肆拾壹兩肆錢壹分柒釐玖毫陸絲柒忽壹纖捌沙貳塵柒埃陸渺捌漠

一靖江縣迫近淮甯康熙十八年間照崇明例計丁加引包課銀伍百捌拾玖兩叁分貳釐陸毫玖絲壹忽伍微捌纖肆沙壹塵玖埃捌渺貳漠雍正十

一年題准浙商行銷加至三千引完課於雍正甲寅年為始按年徵收將包課銀豁除

一定海縣展復既久康熙三十三年間計丁派引包課銀肆拾貳兩壹錢肆分伍釐柒毫肆絲捌忽貳微柒纖壹沙玖塵伍埃貳渺陸漠

雜餉

一扣留裁冗工食銀叁百玖拾肆兩肆錢

一節省備荒雜餉銀壹千柒百捌拾玖兩肆錢玖分

捌釐

滴珠

一額徵滴珠銀肆千貳百捌兩叁錢伍分陸釐壹絲  
陸忽玖微貳纖捌沙壹塵伍埃陸渺貳漠

雜徵

一車脚歲徵銀貳千玖百肆拾伍兩捌錢肆分玖釐  
貳毫壹絲壹忽捌微肆纖玖沙柒塵玖渺叁漠  
一紙硃歲徵銀貳千肆百柒兩壹錢捌分捌釐



一贓罰歲解不等

各項捐解

一銅觔腳價歲捐銀叁萬兩

一河工歲捐銀壹萬兩

一公費每引貳錢伍分歲照掣引定數

一引紙腳價歲定銀伍千陸百兩


雍正三年題准兩浙每年額引八十萬道每引征收水腳價銀七釐共銀五千六百兩雍正八年題

准餘引係額外之款已每引輸銀六釐為紙硃路費應將腳價銀兩免其另輸

一解部分給兩翼前鋒統領等官分用銀一萬兩雍正五年正月奉

旨着將兩浙鹽課盈餘銀兩動用一萬兩給與兩翼前鋒統領護軍統領前鋒叅領護軍叅領前鋒護衛等官分用欽此欽遵行文在案因查兩浙鹽課項下實無盈餘惟有巡鹽御史噶爾泰奏明每年充公之

鹽院及筆帖式公費盈餘銀兩自雍正五年為始  
每年在內動支解部



浙江通志卷八十五